


Chhuah ùan: Oct., 1984

SEPTEMBER, 2019

RAMTHAR



Mi thlarau hruai ila,
Kan lâwm zêl ang.



DURINGA BIAK IN

ODHISA MISSION FIELD - PAGE 16

SERMON

Mamawh chhàna Isua...phêk 5 - 9

EDITORIAL BOARD 2019 - 2021

Editor	: Rev. Thangzauva	9612950043 (M)
Joint Editors	: Dr. Robert S. Halliday	9862374232 (M)
	Upa Zoramthanga	9436362385 (M)
	Pi C. Lalrampari	9436190803 (M)
News Editor	: Upa Lalbiakênga Fanai	9436366234 (M)
Cir. Manager	: Pu Lallawmnakima Hmar	8794905993 (M)
Publisher	: Rev. C. Zorammawia	8731071642 (M)

[Office hun chhúngin biak ni thei se]

Member-te

Rev. R. Lalhmingthanga	: Synod Moderator
Rev. R. Vanlalnghaka	: Synod Secretary (Sr.)
Rev. K. Lalrinmawia	: Executive Secy., i/c Mission
Upa Dr. Lalnundanga	: BEC Member
Upa K. Lalthakima	: BEC Member

Thu chhuah tûr nei chuan Email - ramtharchanchinbu@gmail.com-ah emaw lehlam chauhvah ziaikin Editor emaw Cir. Manager, Ramthar Chanchin bu, Synod Office, Aizawl, Mizoram (India) hnênah emaw thawn tûr a ni e.

Ramthar Chanchinbua thu chhuah hi a ziaaktu mawhphurhna a ni.

SYNOD MISSION BOARD HOTUTE:

Rev. K. Lalrinmawia	Executive Secretary	9485140409
Rev. C. Zorammawia	Secretary	8731071642
Upa Lalbiakênga Fanai	Coordinator	9436366234

KUM KHAT LÂK MAN - ₹ 60/-

A CHHÛNGA THU AWMTE

1. Editor thukhawchâng - 1
2. Keimahni - 2
3. SMB hnuaia HLSC 2019 Result - 3
4. Ramthar Hluttute Huang - 4
5. Sermon - 5-9
6. BUH HMUN AṬANGIN: - 10-22
 - (1) Arunachal & Assam MF 'N' buh hmun
 - (2) Odisha leh Jharkhand lamah
 - (3) Duringa Biak In hawn
7. Ramthar Feh - 23-28
8. Ramthar tána thilpêk petute - 28-29
9. Pu Zalianchunga Ralte kan then ta! - 30-31
10. Declaration - 32

Nikum 2018 khán Beihruual Centenary hlim takin kan hman a. Kumin hi Beihruual kum 101-na lai a lo tling leh ta. Beihruual hmanngu zawng zawngte Ramthar Editorial Board member-ten Pathian hmingin chibai kan bûk che u a, duhsakna kan hlân nghâl bawh a che u.

Ringtu hmasate kha ‘*Pathian thuâwih*’ tiin sawi an ni ðhìn a. Hei hian Pathian mi an nih bâkah a thu zâwmtute an nih a hril nghâl bawh. Ringtu hmasate kha chuan sual leh thil ðha lo an hriat apiang kalsanin Isua an ring bur mai a ni. Chu chuan an nun a tihlim êm êm a; sual hmachhawn tûr pawh ni se, an hlau lo va, an zâm ve mai ngai lo.

Chanchin ðha neitu chu hril duhna leh châknain a khat ðhìn. Lal Isuan, “*Khaw dangah te pawh Pathian Ram Chanchin ðha ka hril tûr a ni; chumi avàng chuan tih ka ni si a,*” (Lk 4:43) a tih angin, an chhúngte leh an khaw ðhenawmte an vei a. An hmuh leh hriat chu chang ve se an ti; ‘*Fangruual Pawl*’ te awmin a huhovin khaw hlá leh hnaiah Chanchin ðha chu an feh chhuahpui ðhìn.

Mizoten Chanchin ðha kan hrilna ram mite hi anmahni hnam invei zui apiangten an vâneihpui tlángpui. Chanchin ðha hrilh buaipui lo - mi mal, chhúngkua, kohhran, ram leh hnam chuan a aia ðangkai lo leh ðha lo zâwk thil dang an buaipui tho tho va, an nunin a chhiatphah ðhìn.

Beihruual thla chawhma lam hi Chanchin ðha hril lam zir hona atán hman a ni ðhìn a; a dang chu Kristian nun insawh nghehna leh Kristian Chhúng Hapta atán. Hmélma Setana leh a hote hneh thei tûra inthuum chakna thla lo ni se.

Beihruual thlaah hian Krista la hre loten an hriata, la hmu loten an hmuna, mi nghet lo leh rilru bulbâl nei loten nghehna an neih theih nán a mala bei lovin I BEI RUAL ANG U; tichuan Lalpa ram a zau zêl dáwn a ni.



KEIMAHNI

† TUARPUINA:

1) Pi Lalzawmliani (73), Kawnpui Chhimveng, Pi R. Lalsangpuii, Staff Nurse, Longnit Borjan (Karbi Anglong) nu chu thaw-hah avàngin ni 8.7.2019 khán a thi.

2) Pu Zalianchhunga Ralte (60), Evangelist, Bethlehem Venglai Pastor Bial (Masihi Sangati) chu ni 12.7.2019 khán Cancer avàngin a thi (*Phêk 30&31-ah a chanchin*).

3) Pi Zoramthangkhum (77), Cachar Kahrawt, Pu C. Lalremruata, Headmaster, SPEMS, Madhuripathar (Arunachal West) nu chu lung ná avàngin ni 5.08.2019 khán a thi.

Synod Mission Board-in lusún chhúngte a tuarpui tak zet a ni. Lalpan awmpuiin thlamuan rawh se.

† **SIEM REAP (New Enterprises International (NEI) CAMBODIA) LA FEL:** Siem Reap, Cambodia-a NEI Cambodia Ministry chu NEI Asia Director, Phil C. Walters kut ațangin Rev. K. Lalrinmawia, Executive Secretary chuan Synod Mission Board aiawhin ni 18 June, 2019 khán a la fel.

† MDTC-AH SYNOD HOSPITAL, DURTLANGIN STUDENT NURSE RURAL POSTING CENTRE SA DAWN:

Synod Hospital, Durtlanga Nurse zirlaiten Indian Nursing Council-in a phût angin thla hnih chhúng thingtlangah (Rural Posting) hun an hmang thìn a. Hemi atán hian SMB remtihnain Synod Hospital, Durtlang chuan MDTC, Bualpuiah hian Student Nurse Rural Posting Centre a sa dawn a ni.

† SMB HOTUTE LEH SHMS THAWKTUTE INKAWM:

Ni 1.8.2019 khán Synod Mission Board hotu thenkhat te leh Home Mission North chhúnga sikul (Synod Home Mission School)-a thawktu (thenkhat) te chu Synod Office Committee Room No. 1-ah an inkawm a. Rawngbàwlina atána thil țul hrang hrang leh hma lâk dân tūr te an sawi ho.




SYNOD MISSION BOARD HNUAIA HSLC EXAM RESULT, 2019

S/N	Name of Schools	FIELD	Apprd	Distn	Star	I	II	III	Pass	Cpmtl	Fail	Letter	Pass %
1	Salem Boarding	H/M North	21	0	0	5	7	4	16	0	5	1	76.19%
2	SHMS Bungtiang 'S'	H/M South	18	0	0	2	5	3	10	0	8	2	55.55%
3	SHMS Tlabung Zodin	H/M South	17	0	0	4	6	4	14	0	3	1	82.35%
4	OHS Silchar	Barak	42	2	12	18	7	3	42	0	0	81	100%
5	RMHS Karimganj	Barak	77	14	16	38	9	0	77	0	1	190	100%
6	Winchester H/S	Barak	29	0	0	2	12	7	21	0	8	3	72.40%
7	PMHS Diphu	Karbi	36	0	0	7	18	10	35	0	1	5	97.22%
8	PMS Hamren	Karbi	25	0	0	0	14	11	25	0	3	0	100%
9	PMS Koilamati	Karbi	10	0	0	1	7	2	10	0	1	3	100%
10	JES Lakla	Aru 'E'	27	0	2	4	20	1	27	0	0	20	100%
11	SPS Bhairabkunda	Assam	14	0	1	4	7	1	13	0	1	7	92.85%
12	SPHS Madhuripathar	Aru'W'	36	0	4	9	19	4	36	0	0	18	100%
13	JMHS Jonai	Aru'W'	12	0	1	3	6	2	12	0	0	6	100%
14	TMS Khasan	Aru 'E'	17	1	0	4	6	5	16	1	1	4	94.11%
15	CHS Tuidu	Tripura	43	0	0	3	17	13	33	9	1	26	76.74%
16	BES Noangang	Tripura	29	1	0	7	16	2	26	3	0	16	89.65%
TOTAL			453	18	36	111	176	72	413	13	33	383	

Note: 1) Fail anga tar lan thenkhat hi Compartment-a exam thei tur an ni a; anni hi an pass hlauh

chuan result hi la danglam thei tur a ni.

2) Amanda Vanlalhrati, D/o Sangtluanga, OHS Silchar chu Mizo subject-ah Assam pum puiah pakhatna a ni.

RAMTHAR HLUTTUTE HUANG

Kan Kohhranina thla kipa Ramthar rawngbàwlina lam chanchin bu duhawm tak a han buatsaih hi chu ka lâwm tak zet mai. Ramthar Chanchin bu lama thawktute Pathianin hmingin chibai ka bûk a che u. Lalpan hruaiin malsàwm che u rawh se.

Thla a lo thar hian Ramthar Chanchin bu thlen a hun leh hnai tih han hriat thar zêl pawh hian rilru a hlim nghâl a, nghâkhlel takin ka thlir thìn. A lo thlen veleh rilrua ÷awngtâina nèn hlim takin ka chhiar a. Ramthar Chanchin bu hian ka mittui a va ko chhuak tam thìn êm! Mittui tla chungin hlim tak siin ka chhiar a, lâwm avàngin ka biangah mittui a luang fo thìn.

Mite angin chhuak ve thei lo mah ila, Ramthara thawktute zawng zawng tána ÷awngtâi hi ka tih theih tâwk a nih avàngin ÷awngtâiin ka lo pui ve ringawt thìn a. *'Tûna kan thawh mékna aia nasa zâwka kan thawh theih nán thlarau lama harhna ropui tak han chang thar ila aw!'* tih hi ka duhthusàm a ni.

Ramthar chanchin ropui leh làwmawm tak takin rawn chhuah te, sermon te, buh hmun te, thilpêk te, ringthar zât te, mi thahnemngai work camp te leh Krista pasalthate thawh rîmzia te min hrill hi ka va lâwm êm! ÷awngtâipui ngai reng an ni a. Hawh u, i ÷awngtâipui zual zêl ang u. Thilpêkahte hian tûn aia ÷ang thei kan ni ÷heuh ngei ang. Lalpa ram a zau zêl theih nán ÷awngtâiaah te, thilpêkah te leh thâ thawh kawngah te i ÷ang zêl ang u.

Kum tamin min nang ve tawh si, rilruin thahnem hi a ngai ve si a. ÷awngtâinaah te theih tâwpin i ÷ang ang u. Chu chauh chu kan theih tâwk a ni ta.

Lalpa ram zau zêl rawh se.

Ramthar Chanchin bu ngainatu,

*Upa MC Zapianga
Chhinga Vengthlang Kohhran*



SERMON **MAMAWH CHHÀNNA ISUA**

Chhiar tùr: Matthaia 6:8

*Upa H. Lalhmingmawia, Coordinator
Synod Worship Department*



Khawvêl hi mamawhnain a khat ti ila, kan sawi sual tam pui àwm lo ve. Ziaktu pakhat chuan, “*Pathian hi i mamawh loh chuan Pathian talin a mamawh ang che. Tin, Pathianin a mamawh loh che chuan nangmah talin i mamawh tihna a ni ang,*” a ti a.

Eng vângin nge kan inkhâwm thîn? Pathian pàwl kan mamawh vângin. Engati nge Bible kan chhiar thîn? Pathianin min pàwl kan mamawh vângin. Engati nge kan ÷awngtaì thîn? Pathian kan mamawh vângin. Eng vângin nge hna kan thawh? Mahni leh mahni chhúngkaw nun khawchhuah nán sum kan mamawh vângin.

Paula kha Saula a nihna bo ÷hak khawpa Damaska khawdaia en ngam rual loh êngin a chhun thlûk chhan kha Pathian a mamawh vâng a ni tih hi kan chhût ngai em? Amah Paula kha chuan Pathian a mamawh tih rêng a inhre lo. Mahse, a

inhriat lohna tak kha Pathian a mamawhzia tichiangtu a ni si.

Mizoten Kristian kan nih hmaa Mary Winchester pa an zu thah ngawt chhan kha Pathian an mamawh vâng a nih dân kan chhût ngai em? Khatih laia Mizote khán Pathian an hre lo. An hriat teuh dân ber chu khawvêl thil thleng leh engkimah hian thuneitu leh siamtu ropui tak awmin an ngai ve tawp a. Chu mi chu ‘Khuanu’ tiin an vuah ve ngawt chauh a ni.

Khuanu chauh an hriat lai chuan Pathian chuan Mizoten amah an hriat chhuah theih nán an rilruah hna a thawk a.

Silchar lamah suam tûr zawngin a vah thlâktîr a. Khami tuma rammute kha Mizoten Pathian dik tak kan hriat chhuah theih nân sulsutua Pathian mi hman an ni.

Meera Winchester-te nupa kha Pathian rawngbâwltu an ni a. Mary Winchester pa nunna leh thisen chu Mizoten Pathian dik tak kan lo hriat theih nân Pathianin hmanruaah a hmang duh tlat a ni.

Hun a kal zel a, Mizo pa rammuten Mary Winchester, hmeichhe naupang tē an hawn ta mai khân British sawrkar ngéng a chhun pha ta tlat a. Hnam mâwl, mi lu lâk ching, ramhuai tlawn nâna inthâwina hlâna, thingbul lungbul biao thên ve mai mai thîn chu han hrâwm darh châkin, Sâp naupang an rûk bo pawh lâk lét ngei tumin ro an han rêl ta a.

Tukuli silai, tualchher, chho zâwng chauha kah puah theih hûma inlarorum ve satliah bitum tûrin chhuk zâwng, chho

zâwng leh pheih zâwng pawha kah pawp pawp ngam silai tha pangngai nèn sipai rual an rawn tîr ta mai a. Hnam mâwl, mahni nihna dik tak pawh la inhrethiam lo Mizote an rawn hmachhawn khân hnam fing leh ropui British sawrkar chuan Chanchin Tha kan mamawhzia an rawn hriat pah ta a ni. Chanchin Tha chaw fun rawn phawrhirtu chu kha thil thlen vâng chauh kha a ni lâwm ni? Hei hian ‘mamawhnain dân a nei lo’ an lo tih chu a phawk chhuak chiang hle.

Mamawhna hi thil thar hmuh chhuah pahna’ (*Necessity is the mother of invention*) an ti thîn. STAR TV (Cable TV) kan tih mai hi entîr nân hmang ta ila. Japan-a Tsunami râpthlâk tak a thlen lai laa *internet* kal tlangin emaw kan thut pindana TV-ah leh kan *mobile phone*-a kan lo hmu ve nghâl thei. Chumi atân chuan vânn boruak sang taka *Satellite* khawl han bun a ngaih pah a ni. Sumdâwnna a nih piah lamah khawvêlin a mamawh

a ni miau a. Chu mamawh-na chuan thil ÷ul chu hmuhchhuah a tingai tlat a. Khawl thluak nei hmanga mihring finna leh thiamna chuan chu mamawhna chu a sual chiam lo thei lo va, a sual chhuak ta a ni. Chuvàngin, mamawhna chu thil thar hmuh chhuahtirtu a lo ni ta.

÷um khat chu, Lal Isua leh a zirtírte chu dilah lawngin an chuang a, tháwk leh khatah thlipui namen lo tak mai chu a lo thawk ta phut mai a. An chuanna lawng chu a rawn nam sawk sawk a. Din-hmun hlauhthàwnawm takah an ding ta. An mangang a, an hlau a; Lal Isua lah chu tui takin a la muhil lawi a. Chhan chhuaktu leh ÷anpuitu an mamawh a ni. An mamawh tak neitu Lal Isua chu a rawn che ta. Thlipui leh tuifáwn te chu báng ÷ura thu a pèk rualin an báng ta. An mamawh chhàna chu Lal Isua kha a ni.

Kei pawh hetiang deuh hian Colombo-a ka zin ÷um hnihnaah khán tuifinriat

zau takah lawng têah chuangin ÷hianzaho mi 10 báwr vèl nèn tuipui zau tak chu kan chuan ve a. Khua a lo duai chak dânah chuan kan lawng khalhtu chuan vaukam lam pan a hun tih a hre mai. Min lét-pui dáwn lai takin chu tui chu a rawn fâwn ÷an ta mai a. Kan lawng chu tuifáwn chuan a rawn sèp kâng chho ÷an ta a. Ruah a sùr a, thli a rawn thawk nghâl bawk a. Lawng khalhtu chuan kan sana te, mobile te leh pawisa te chu lawng hma lam chuan hnuaiah thukru ÷urin hmanhmawh takin min tur ta a.

Kan Sâp ÷hiantè hlei hlei chuan an hlau zual a. Kan lawng derthàwn dàn te, tuipui fáwn dàn te a÷ang chuan dam chhuaka kan kír leh an lo beisei lo hle a lo ni a. A tàwp a tàwpah chuan huh záwr vek khawpin vaukam chu kan thleng ta hrâm a ni. Khatih lai khán Lal Isua zirtírte ang thovin thlipui leh ruahpui laka min huma min chhan chhuak theitu kan mamawh a ni. Kan mamawh tak chhàna Isua ngei chuan kan

manganna lak ata min chhanhim ta a ni.

Kum 1983 khán tlangval fel ve rual, mahni tâwka inlâk phek ve vânglai ka ni. Manipura zin türin ka farnu nèn Bus-in kan kal a. Chutih lai chuan Mizoram hmar chhak kil tàwp Vervek khua bâk MST-in a tlawh thei lo va, kawngpui pawh a awm mumal hek lo. Zàn kan riak a, a tûkah chuan kein Manipur ram chhim tàwp khua chu kan pan ta a.

Kawng lakah chuan lui pakhat chu kea dai kai ngai a lo awm a, tui lah a len lai a ni bawk nèn. Kan inkai a, kan han dai ta a. Lui lai vèlah chuan tuizangkhauchuan kan ke a phet òan ta a. Kan unau mai chuan kan su tlang zo dáwn lo tih kan inhria a, kan lét leh ta a. Vaukamah chuan mangang takin kan òthu ta ringawt a. Chutih laia kan mamawh ber chu vaukam leh lam min hruai kai theitu a ni. Unau mangang pahnihte dinhmun hriatthiamsaktu awm chhun chu Lal Isua chauh a ni.

Chutia mangang taka kan awm lai chuan tlangval chak hmêl tak, iptepui ak, tawnzau chhe fu tawh ha chu a lo kal ta a, “*Tui hi dai kai in mamawh a nih chuan ka hruai ang che u. Ka kut tawn tawnah hian vuan ve ve ula, min thlah miah suh ang che u aw,*” a ti a. Keini unau pawh chuan, “*Aw le, a lâwmawm ngawt ang chu,*” tih pahin min dai pheipui ta a. Min hruaitu chu a chak kher mai, kâr lovah vaukam chu min thlen ta a. Kan lâwm ngei mai. Lâwmthu hrilh mawlh mawlh pah chuan kan kal leh òan ta. Kan han hawi kîr leh chuan min hruaitupa chu hmuh tür a awm ta hauh lo mai! A mak tulh tulh.

Tûn hnua ka ngaih-tuah kîr leh cháng hian kan mamawh chhàna Lal Isua hian a mite rilru hahna te, manganna te lak ata min chhan chhuak tür hian a duh chuan eng hmanrua pawh a hmang thei, awm lo pawh a awm chawptîr thei tih hi ka chiang khawp mai. ‘*Min hruaitu kha mihring a ni ang em? Òanpui ngai pui*

tùrin khatiang taka tlangval chak ang khân kan Lal Isua chu a rawn inlâr a ni ang em?’ tih hi ka rilruin ka la inzâwt reng a ni.

Sâm 46:1-ah, ‘Pathian chu kan inhumhinhna leh kan chakna, Mangan laia tanpui vartu hnai reng a ni,’ tih te hi a taka hman a va nuam thìn êm! Sâm 23:1,4-ah, ‘Lalpa chu mi véngtu a ni a, ka tla chham lo vang....Thihna hlim kawruam zawh mah îla, thil tha lo rêng rêng ka hlau lo vang; nang ka hnênah i aum si a; i talhtum leh i tiangin mi thlamuan thìn a ni,’ tih te kha thu mai a lo ni lo, a tak takin a dik a ni tih i hre chiang ang u.

Kan Pathian hi ‘Awma’ a ni a, a mite hnêna ‘Awma’ a ni. Kan mangan loh lai pawha kan hnêna aum reng a duh. Chuvàng chuan, ‘Keimahah aum reng rawh u,’ min ti a ni.

Kan lâwmna niah te, kan manganna niah te, kan dam loh lai te, sum lama kan tlâkchhiat ber lai

te, kan duh leh tum dân loh zâwka kan aum tlat lai te leh kan hun tawng kawng engkimah hian amah hlata kan aum a phal lo. Puih kan ngaih hun apianga min pui tùrin engtik lai pawhin kan aum phâkah min vengin a hnai reng thìn a. Kan mamawh chhâna ni tùrin a rawn inpe zo vek tawh. Kan rin ngam dân azirin fiah ngamin a aum a ni.

Eng pawh ni se, kan nunah hian eng thil pawh a thleng ang? A chhia emaw, a tha emaw, a hahdamthlâk emaw, a hahthlâk emaw, eng pawh thleng se, eng emaw mamawhnain a zui lo thei lo vek. Chûng zawng zawng-ah chuan kan mamawh ber chu a bul leh a tâwp, Lal Isua chauh hi a ni. Kan mamawh chhâna leh a chhângtu aum chhun, Lal Isua hi kan rin ngam phawt chuan eng kawngah mah hian thlaphâna tûr a lo aum lo ve.

Lalpan a thu malsâwm rawh se.



BUH HMUN ATANGIN ARUNACHAL & ASSAM MISSION FIELD 'N' BUH HMUN

*Rev Lalhmuchhuaka
Field Secretary*

Kumpinu Sawrkar-in kum 1911-1912 Arunachal Pradesh (Abor) a run tum khân, tuklaih kuli hna thawk tura Mizo tlangval an hruai zinga pakhat Pu Lalsangan, “*Hetah hian lo awm reng la, naktnah kan thangtharten an la rawn zawm dawn che nia,*” tiin Chanchin Tha Bu Johana ziak, perha a zeh chu Lalpan mal a sawm a ni ngei ang. Kum 2011 chhiarpuih chuan Kristian 30.18% an ni ta. India rama ni chhuak hmu hmasa ber ram (state) a nih avangin **Ni chhuahna ram** (**Arun=Ni, achal=lo chhuak**) tia sawi a ni. A ram mite sakhua hi *Donyi polo* (ni leh thla pathiana biakna) ni mah sela, sakhaw hrang hrang 1) Buddhist 11.8% 2) Kristian 30.3% Hindu 29.0% % 4) Muslim 8.0% an awm bawk.

Mizoram Synod Rawngbawlna: Arunachal ah hian Assam nen kaikawpin Mission Field 3 kan nei a. (1) Arunachal & Assam Mission Field East-1989 (2) Arunachal & Assam Mission Field West-2001 (3) Arunachal & Assam Mission Field North-2016 a hawn te an ni. Arunachal & Assam Mission Field North hian District pali: *Siang, East Siang, West Siang leh Upper Subansari* bakah Assam-ah *Demaji District*-a

then azar huam telin, Pastor Bial paruk: *Aalo, Boleng, Daporijo, Tato, Pasighat leh Jonai Bial*-ah te then a ni a. Kohhran/ Fellowship hi 62 awmin member 4517 zinga 3816 chu Dan zawhkim an ni. Field Headquarters hi West Siang District Capital, Aaloh a awm a. Field Office atan hian Bogdo, Tinali-ah mi in luah a ni.

Rawngbawlna leh hmasawna: Kohhranhote tawngtaina leh thawktute

inpêkna Pathianin mal a sâwm avàngin hma kan sâwn ve zêl a. Kan lâwm hle mai. Rawngbâwl dan tlangpui, hmasâwnna leh tûn din-hmun hetiangin lo sawi ila.

1. **Evangelism:**

Missionary Evangelist (Permanent) 3, Contract 36 leh Sponsore Missionary 4 bâkah Field Worker Evangelist 18 awmin, Evangelist hi an vaiin 61 an ni. Missionary Pastor 4 leh Pro Pastor pakhat bâkah a ram mi Pastor pahnih te nèn thahnem-ngai takin an thawk a ni. Field Worker Evangelist te hi Group hnihah thenin, kan Missionary Evangelist-te kaihhruaina hnuaiiah Field Gospel Team siam a ni a. A tul dan ang zêlin Pastor Bial tinah kan Missionary-te nèn Outreach an nei thîn. An rawngbâwl na hi Lalpan ringthar min pêkna hman-rua ber pakhat a nih bâkah, thawh hona leh inpum-khatna siamtu tha tak a ni.

2. **School Ministry:**

Ramthar Commission Report, SEC-in hman nghâl

tûrin lo zut mam rawh se tia Synod-in a pawm tawh (*Kum 2012 Synod Gen: 30; SEC 244:15*) bawhzuiin, Arunachal ram chhúng ngeia School din tûrin uluk taka zir chiang zêl chungin Field Working Committee chuan hma a la mék a. Tûna kan School neih chhun Jubilee Model H/S, Jonai hi Assam state chhúnga awm niin, kum riat chhúng zet chu School Education Board of Assam (SEBA) hnuaiiah HSLC 100 % Pass Result kan nei ta a. Kumin 2019-ah hian SEBA hnuaiia 100% Pass result nei awm chhun kan ni baw. Kum tinin zirlai lâk sen loh kan nei chho ta zêl a. Kan Missionary E/T leh a ram mi Local Contract Teacher ten D.El.Ed tha takin an zo ta baw a. School Ministry leh Field hmasâwnna làwmawm tak a ni. Tûnah hian zirtirtu 25 awmin Missionary (Permanent) 6, Contract 10 leh Local Contract Teacher 9 an bung mék a ni.

3. **Medical Ministry:**

Missionary Nurse pali leh Health Worker pahnih kan

nei a. An mahni kut zála an rawngbàwlna bâkah, Pastor Bial leh Field Gospel Team rawngbàwlnaa a kila lung pawimawh an ni tak meuh a. Kan hotuten Sorkar lam nèn òngkawpa Medical Refresher Course Training an neihtír kha làwmawm kan tiin, kan hlâwkpui hle a. Mi mal rawngbàwlna leh Field hmasâwnna làwmawm tak a ni. November 2018 khán Zarkawt Kohhran Ramthar Committee te nèn òngkawpin Pasighat leh Jonai Bialah Medical Free Clinic hlâwk takin neih a ni a. Kumin 2019-ah hian Field Headquarters awmna, Aalo Pastor Bial-ah neih leh tùra hma lâk mék a ni bawk.

4. Craft (Tailoring)

Ministry: Hmeichhe pual bika zirna tùr Field Office behchhanin Aalo-ah Craft Centre dinin, Day Scholar-a kalpui a ni a. Mi 9-in òngkawpin training hi an zo ve tawh a ni. Kumin 2019 aòngin Daporijo-ah Centre thar pakhat, Day Scholar-a zirna tùr hawn belh a ni a. Field hmasâwnna làwmawm tak a ni. Hêng

Centre pahnihah hian tùnah zirlai 9 awmin, kumin 2019 October/November hian an zo ang.

5. Media Ministry: A hranpain thawktu kan nei lo. Keimahni siam Bible Tract chi hrang hrang panga Hindi-a tichhuakin, Adi leh Assamese-in buatsaih leh mék a ni bawk. Assam Mission Field Working Committee-in anmahni Field siam Bible Tract (Assamese) soft copy min pein, kan Field hminga chhuah min phalsak hlauh mai a. Kan làwm hle a ni. Thlâkipin Arunachal & Assam Mission Field (North) News chhuah a ni a. Field Calendar chi hnih, phêk khat leh Pastor Bial tin hmél tar lan theihna tùrin phêk 3 (Spiral) siam te, Field Map thar changtlung zâwk leh Field Documentry siam mék niin, kumin 2019 chhúng hian peih hman kan inbeisei.

6. Literature & Music Ministry: Master plan ang tak chuan la kal thei lo mah ila, zâwiâwiin hma lâk reng a ni a. Kan òngkawpin leh a

ram mite mil zâwng Choir Festival, Christian Short Film (Video Clip) siam te, thu leh hla-a intihsiakna buatsaih tùrin ruahmanna kalpui mék a ni. Hla Bu (Stuti Geet) changtlung leh ðha zâwk buatsaihin, *Revised & Enlarged Sub-Committee-in* gawrh takin a thawk a. Kum thar 2020-ah chuan peih hman kan inbeisei. Pu PC Vânlalhruaia, Lunglei Venglai Kohhran Short Term Minisionary tùra lâk niin hêng Pastor Bial pali: *Aalo, Daporijo, Pasighat leh Jonai* Bial-ah hian ni 8 July, 2019 aþang khân Music Training hlawhtling takin neih a ni a. Rawngbâwlna ðangkai leh hmasâwnna lâwmawm tak a ni.

7. Christian Education Ministry: Pastor Bial leh Kohhran malin mahni remchan leh phak ang tawk zêla Sunday School kalpuiin, Bial Naupang Sunday School Inkhâwmpui neihpui thei Bial kan nei ve ta hial a. Kan Missionary-te ziak Beginners & Primary Zirlai Bu an zir. Kum thar 2020 aþang

chuan Missionary enkawl Kohhran leh a thei apiangin Puitling Sunday School neih ve tawh tùrin ruahman a ni a. Masihi Sangati Zirlai Bu hman tùr a ni ang. A tak ram la thleng lo mah se, ruahmanna mai pawh hi Kohhran leh Field hmasâwnna lâwmawm tak a ni.

8. Training: Kan mite tán Kohhran kîlkâwi leh ringtu nuna insawhnghehna lamah hetiangin kalpui a ni: Mi ðahnemngai leh inpete chu Hindi Bible School, Bawngkawnah zirtîrin, mi 6-in an zir chhuak tawh a. Kumin July–December 2019 hian mi 2-in an zir leh mék bawk a. Kan thawktu Field Workers Evangelist te tán Lay Leadership leh Lay Training tum khat ve ve neihpui an ni tawh a. September 2019 aþangin kohhran hruaitute pualin Lay Training hi, Pastor Bial huapa neihpui tùr a ni ang. Allahabad-ah B.D. III yr zirlai pakhat kan nei a. Thawktute (Missionary) pualin Lay Leadership: Trainers Training neih a ni tawh bawk.

Tlangkawmna: Aruna-chal & Assam Mission Field (North) hian kum thum hmél (*Dt. 11st March 2016 – July 2019*) a hmu ve ta. Rawngbàwlna kawngah hma lâkna lian tham sawi tùr kan nei lo nâ a, Pathian min hruaina leh malsâwm-na kan dâwn zozaita hi, Kohhranhote ÷awngtaichhâna leh, kan thawktute ÷ahnemngaihna leh inpêknate Lalpan mal a

sawm vâng a ni tih kan hria a. Kan lâwm tak zet a ni.

Kumin 2019-ah hian ringthar target 200 niin, January–July hian ringthar Baptisma chang 99 (*Puitling 79 & 20 Naupang*) lai Lalpan min pe tawh a. Target tlin tùra kan hmabâk 101 hi, a bi kimin Lalpan min pêk ngei kan beisei. Kohhranhote min ÷awngtaipui zêl tùrin kan sâwm a che u.

ODISHA LEH JHARKHAND LAMAH

T. Lalchhuangliana

Supervisor of Schools, SMB



Odisha leh Jharkhand-a kan school awm chhunte tlawh tùrin Synod Mission Board Secretary Rev. C.Zoramawia hnung zuiin ni 24.06.2019 leh ni 01.07.2019 inkârah khân ka zuk kal kual a. Kan zin report tawi ka han pe teh ang.

1. Odisha Mission Field: Odisha Mission Field hi kum 2016-a hawn chauh kha a ni a; kan Mission Field zingah chuan a la naupang ber a. Tunah rih chuan Kui (tribal hnam pakhat) zinga rawngbàwlna a ni ber. Odisha state hi Mizoram let sarìh aia lian zâwk a ni

nain thawktu missionary 29 (FS- 1, Pastor-2, OA-1, Evan-13, ET-7, Nurse/H.W-3, Doctor -1, CT-1) chauh an awm. State pum chu sawi loh, Kui hnam awmna District pawh kan la tuam hneh lo hle a. Chuti chung chuan member 3,000 dâwn lai kan nei tawh a, a lawmawm hle mai.

(1) *Bhubaneswar*: Ni 24.06.2019 (Thawhtanni) zing 3:00 am-ah Aizawl chhuahsanin, Silchar-Kolkata tlawh kualin, dar 9:00 pm rik hma hretin Odisha khawpui Bhubaneswar kan thleng a. Field hotuten kan thlenna tura an lo ruahman, Hotel-ah kan thleng a. Bhubaneswar hi khawpui mawi tak leh kalhmang mumal tak nei tura kum 1946-a German *architect* Otto Konigsberger-a duan a ni. Bhubaneswar-a kan rawngbawl na hmuh a nuamin mi a tihlim hle:

(a) *Field Office*: Residential Colony-ah Floor pakhat luahin *office* kan hawng a. Rev Lalramdinthara Colney FS leh Pi Maria Lalrampari OA te office-ah hian an thawk mek.

(b) *Kohhran (Fellowship)*: Kum 2008-a Kandhamal district-a kristian-ten tihduhdahna an tawrh avang khan, mi tam tak thingtlang hmun atangin Bhubaneswar-ah hian a tlan lut a. Chung zinga Kui hnamte chu tuk khawmin Evangelist-ten Fellowship

an dinpui a; an rawngbawl-na hi a hlu hle mai. Fellowship pahnih an nei a; chungte chu:

Nayapalli Fellowship:

Pu Lalrawngbawla, Evangelist-in a enkawl a. An member zinga hmeithai, Pi Laxmi Hasda chuan a pasal hriat reng nan a ram a pe a, Biak In (*Prayer House*) mumal tak an nei.

He Fellowship hi kum 2017 March thla khan member puitling 4 leh naupang 3 chauh awma ding tan a ni a; tunah hian member 50 chuang an nei tawh a ni.

Jaydev Vihar: Nl. Vanlalmangaihzuali, Evangelist-in January, 2019 atangin a enkawl a.

An member Prasant Kumar Digal-a chuan inlarna hmuhin, an chenna in chu kristiante inkhawmna atana pek a tulin a hria a. Anmahni chenna chu inkhawmna hmun atan tiruakin a thlawnin Biak In (*Prayer House*) atan a luahtir ta tawp mai a.

Anmahni chu *slum area*-ah thla khata ₹ 4,000- chawiin mi in luahin an awm ta thung a ni. Mite inpêkna hi a va nasa êm!

Biak In hman lai chu mi tam zâwk leng thei tûra chei that an duh hle a; chu chu an tawngtaina pakhat a ni. An tawngtai chhanna ni thei kan awm ang em le? Tûnah hian member 20 vêl an awm a ni.

(2) *Ebenezer English School, Gilakuta*: Ni 25.06.2019 (Thawhlehi) zing 6:30 am-ah Ebenezer English School awmna, Gilakuta khua, Andra Pradesh ramri hnaih Eastern Ghat tlang dung tawntirha awm chu panin Field Secretary hovin kan chhuak leh ta vang vang a. Odisha State chanchin te, Kui hnam chanchin leh an zinga kan rawngbawlina chanchinte chu Field Secretary-in a hriain a tuipei hle tih a hriat a. Kui hnam chanchin phe chu rei lo tê a la awm chungin bu hnih lai a ziak tawh nghe nghe a ni. Kan rawngbawlina ram leh hnamte chanchin hriat tuma

zir chian hmasak hi missionary-ten kan tih ngei tûr a ni rêng a ni.

Tichuan Bhubaneswar ațanga km 280 zeta hla Gilakuta khua chu chauh hre hman lovin chhûn dâr 12:00 vêlah kan thleng ta mai a. Bialtu pastor, Rev. Zairemtluanga leh Rev Laishram Raju Singh (Adava Bialtu) te, missionary te leh kohhran mi ten min lo dawngsawng a. Chaw tuihnai tak min lo buatsaihsak chu kan ei a, hah a dam nghâl sawng sawng mai.

Gilakuta khua hi in 50 vêl awmna niin School leh Medical rawngbawlina kan neihna hmun a ni a. Biak In leh Pastor quarters pawh mawihnai tak kan nei a. An vaiin, Hindu chhûngkaw hnih tih loh chu, Presbyterian vek an ni.

Gilakuta khuaa kan school, Ebenezer English School hi *non formal school* niin thawktu mi tlemtein, Evangelist hna thawk chungin a in chhâwkin an lo enkawl t̄hin a. An sikul

pawh a awngrawpin a chêp a, naupang thutna tûr bench leh desk mumal pawh an la nei lo. Mamawh leh tih tûr an ngah hle mai. Nursery, KG leh Class I & II an awm ve a; an vaiin zaupang 24 an nei.

Kumin aţang hian sikul pangngai (*Formal School*) din tûra buatsaih ţan a ni a. Zirtirtu paruk dah thar an ni a; an vaiin mi pariat an ni tawh ang. Sikul pindan thar tûr te an sa thar mék bawk. Hei hian he khua leh a chhehvêla mite a tiphûr hle niin an sawi.

Residential School din an lo sawi mawi hle mai a. Residential school hi din ni ta se; Gilakuta khua bâkah Kui khaw dang, Antaraba, Hikirima, Handivadi, Chudangpur leh khaw dang 60 vêlin Hostel-a awmin an chhawr ţangkai pha dâwn niin an sawi. *Residential School* hmun tûra ram an hual te pawh min enpui a. Ram zau ţha tak a ni a, a neitu mi hrang hrang mi parukte hnênah zàngna dawmna angreng ₹ 3,50,000 pêk a ngai ang.

Gilakuta hmunah hian rei awm lovin Bhubaneswar lamah kan kir leh a. Kan kir lehlamin Adava Pastor (Rev Laishram Raju Singh) zui haw nghâlin an chenna hmun te kan hmuhpui a. Kui hnam zînga pastor-a chher hmasak theih tûra beisei, SMB sponsor-a B. Th. zir tûr, Mr. Jabaratan zirna tûr hmun Odisha Christian Theological College, Gopalpur kan tlawh nghâl bawk.

2. Jharkhand Mission

Field: Jharkhand Mission Field hi kum 2008-a hawn kha a ni a; kan Mission Field zîngah a naupang ber dawttu a ni. Dumka District chhûnga Santal hnam zînga rawngbâwlina a ni ber rih a; Pastor Bial 7 a awm. Jharkhand State chhûnga district 18 zînga district 17 chu kan la khawih lo tih theih a ni. Thawktu mi 101 (FS- 1, Minister-8, OA-1, Evan-29, ET-4, Nurse-5, CT-1 leh Field Worker-52) an awm mék a. Kohhran member 8,000 chuang lai an nei tawh.

(1) *Dumka*: Dumka hi Dumka district khawpui hming a ni. Ni 26.06.2019 (Nilaini) tlai ah Kolkata-ah kan riak a. A tûkah chuan Jharkhand Field motor-in (*zân lamah min lam tûrin Kolkataah a rawn riak tawh sa a*) Dumka panin zing dâr 5:30 am-ah kan tlan leh ta vang vang a. Km. 306 zeta hla Dumka chu dâr 11:00 am-ah kan thleng a. Rev. F. Lalchhuanawma Field Secretary leh thawktu thenkhatin min lo dawng-sawng a. Chaw te kan ei a, kan han inbual thlan daih hnuin Field Secretary remruatin Pastor thuthmun hrang hrang pathum leh Dumka khaw chhûnga kan Craft Centre te tlawhin kan kal kual nghâl a. Dumka khawpui chhûnga Mission school dinna atâna an ram hualte min kawh hmuh nghâl baw k a; thim hmain Field Secretary Qtrs kan thleng leh hman.

(2) *Genesis School, Jharkhand*: Ni 28.06.2019 (Zirtawpni) khân Dumka aţangin Rev F. Lalchhuanawma, Field Secretary hovin Jharkhand Mission Field

chhûnga an school neih chhun Lodiha khuaa Genesis School tlawhin kan chhuak leh a. Pastor thuthmun pahnih leh Centre pahnih kan tlawh tel baw k.

Genesis School-ah chuan Headmistress Nl. Lalawmpui leh Staff-ten min lo dawngsawng a. Genesis School hi Patna Field hnuai an awm lai kum 1993-a din a ni a. Nikum 2018 kha kum 25 a tlinna a lo ni ve reng tawh a lo ni. Hmun danga kan Synod Mission School dangte ang lo takin Hindi Medium a ni a. Zirtirtu 10 zinga pali chu Mizo missionary an ni a; an zinga pahnih phe chu kumin aţanga awm ţan an ni a; Hindi an thiam thuai theih nân ţawngţaipui an tûl hle.

Kolkata-ah: Dumka aţangin Inrinni (29062019) khân Kolkataah kan riak phe a. Kolkata-ah hian Pathianni kan hmang ta a ni. Field Secretary, Rev. JC Lalramliana te nupain duat takin min lo thleng a, an chungah kan lawm hle.

Kan zin veivahna khua a lum deuh va; air condition vawt nuam tak leh pawn lam khaw lum dawng tawn sek kan nih vang nge; Jharkhand-a kan hun tawp lam aṭangin pum dik lo leh khawsikin min hmet chau dêr mai a. Kolkata-ah hian pawn chhuak peih lovin ka mu kawm reng mai a. Pu Mawitea erawh Kohhran programme leh thil pawimawh tiin a chhuak hrâm hrâm thung a, ani pawh a chau hle tih ka hriat pui. Ni 10.7.2019 (Thawh-ṭanni) khân dam takin Aizawl kan thleng leh ta.

An kawng a ṭha: Kan veivahna Odisha leh

Jharkhand hi an kawng a ṭha hle a. Khaw tē reuh tē panna kawnga lui kawrah pawh uluk leh ṭha zetin lei an dawh kai thlap zel mai. Santali unaute zinga Mizorama rawn awmte khân an chhúngte hnênah, *“Lo lungngai rêng rêng suh u, Mizoramah kawng sial tûr a tam lutuk, ’an ti e,”* an tihte kha ka ngaihtuah chhuak a. Kan ram kawng min sialsaktute chuan kan kawng chauh ni lovin anmahni tân pawh kawng an lo sial ṭha hle mai. *Keini an thlarau kawng sialsak méktu Mizote hian, mi dang tân chauh ni lovin keimahni tân hian chatuan kawng kan sial ṭha ve em le?*



“NANG CHUAN I TI THEI LO!”

Putar pakhat chuan thil pathum zir nán

kum sawmli a hmgang tih a sawi.

A hmasa berah chuan

amah a inchhandam thei lo;

a pahnihnaah chuan

Pathianin mahni inchhandam tûrin a beisei lo;

a pathumnaah chuan

Kristan a ti zo vek tawh a,

a tih tûr chu

Krista hnathawh zawh sa lo pawm mai chu a ni.

DURINGUDA BIAK IN HAWN

*Lalraungbawla, Evangelist
Bhubaneswar, Odisha Mission Field*

Nghâkhlel taka ÷awngtâina nêna kan lo thlir Chanmari kohran Ramthar committe tirh mi pali - Upa Rolungmuana, Pu Thankhuma, Pu Rosiamngheta leh Nl. Zochhuanmawii te chu ni 15. 6. 2019 zân dâr 11:15-ah Bhubaneswar Train station-ah ka lo hmuak a, kan inhmu chu kan va hlim tlâng êm! Kan Field Secretary quarters-ah thingpui te in hovin zing dâr 1:30-ah mut zai kan rél.

1. Ni 15. 6.19 zing dâr 6:30-ah Bhubaneswar chhuahtsanin Kandhamal, Kristiante nasa taka an tihduhdahna hmun tlawh tùrin Field Secretary hova Km 250 zet kan tlân a. Kum 2008 chhova Hindu firfiakten nasa taka ringtute an lo nghaisakna hmun, Isua phat tùra an vauten an phat duh loh avanga hreipuia an cheh hlumna hmun kan han thlen meuh chuan rilru a va han khawih nasa êm! Chutah mipui (ringlo) tam tak lo pung khâwmin, chûng ringtu tlêm tê hlau leh thlabâra ÷ap chunga ÷awngtâite chu rawn thah chimih vek an tum a. Ringtute tân tihngaihna a awm tawh lo!

An chhak tlângah tawm khâwmin, chutah chuan kan Pathian an au ta a. Anin amah ringtute ÷awngtâina chu a chhâng a, an chungah chuan vantirh-kohte rawn tîrin a ventîr ta. Chûng ringlo mipui thinrim pung khâwmtê chuan vantirhkohhovin ringtute an veng tlat lai an hmuh chuan an pawh ngam ta lo. He tihduhdahna hun lai hian ringtuten nunna an chàn mai bâkah in leh lo hâlsak te, khua aţanga hnawh chhuaht te an ni a. Odisha hmun hrang hrang-ah an tlân darh bawk a ni.

2. Kandhamal aţang chuan kan tlân leh char char a. Kan Biak In thar hawn tùr, Duringuda khua

chu thimah lûtin zàn dár 7:30-ah missionary quarters kan thleng a. Kan thlen zàn aţang hian a khawho an phur ngei mai. Biak In hawn tûr hi hemi khua leh a chhehvêl khua-ah chuan Biak In lian ber a ni hial ang. An theih ang tâwkin an cheimawi a. *Sound system* ţha tak hawh (*hire*)-in ring takin pawnah Pathian hla an zaitir (*play*) a. ‘*A pui a pangin kan lám tlawár dáwn,*’ an tih chu.

Dár 12 a lo ri dáwn hnai a. Chanmari aţanga Krista pasalţha lo kalhote mutna tûrte kan han ngaituah a, Missionary quarters-ah kan leng dáwn si lo. Biak In bathlarah mutna phah mai kan rilrûk laiin ruah a lo tla a. Tichuan, thawktu leh tualchhúng miten kan Upate mutna tûr an han ngaituah leh a. A tâwpah chuan an sikul room khat ruakah chuan kan insuan phei ta. Ê khai! A lumin a va uap tehreng êm! Km 330 zet nilenga motor khalha tlân kan nih avangin tui takin ka muhil bawrh bawrh mai a, Chanmari aţanga lo kal Krista

pasalţhahote kha zawng khaw lum lutukin a hmet chau bawk nèn mu mai thei lo khân pawn veranda-ah an vei an vei kha a nia. Khami zàn khân eng tiang takin mu ve maw tiin ka ngaihtuah zui a.

3. Ni 17.6.2019 ni chhuak êng mawi tak mai chuan Duringuda Biak In (*Chanmari Kohhranin a sak*) chu a rawn chhun êng phút mai a. Hlim leh lâwm takin kan tho chhuak a, a khawtualho chu keini aiin an phûr zâwk daih a. Zíng kár aţangin ruai an buaipui a. Bawng pasarih, Kel pahnih leh Ar sa 100 Kg hmangin ruai an buatsaih a ni. Chutiang chuan he Biak In hawnna inkhâwm hmang tûr hian missionary leh kohhran hrang hrang te an lo kal khâwm a.

Dár 9:00 a lo rík chuan kohhranho chuan kan khual ţha, Chanmari aţanga lo kalte an hnam dàna an lo hmuah ţhîn angin khaw daiah motor-in kan inphur chhuak leh a. Khawtual mite chu lo pung khâwmin khaw dai aţang chuan

mikhualte chu parṭhi awrhtirin khangtê leh lāmīn kawng zawh kan ṭan ta. Kan thāwm a ringin an va hlim tehlul êm!

Kawng tuana zai leh lām chung zēlin Biak In thar hawn tūr tualzawl chu kan thleng a. Mipui tam tak pung khāwm zīngah chuan Upa Rolungmuana chu lo ding chhuakin, chawhma dār

11:30-ah Duringuda Biak In thar (Chanmari kohhran sak) chu Pathian hmingin urhsun takin a hawng ta a ni. Dárkár li chhúng zet khaw lum êm êm hnuaia kan inkhāwm chhúng zawng khán muthlu leh ning hmél hmuh tūr rêng an awm lo nia.

“Lalpan thil ropui takte min tihsak a, kan lāwm hle a ni” (Sâm 126:3).

† Eng thilah mah hian ka mang a ang ngai tawh lo, keimah hmanga a tih duh apiang a ti thei tih ka hriat chian tawh avàngin. Khawiah nge min dah a, eng tianga thawk tūr nge ka nih tihah hian harsatna a awm lo. Chu thil chu keia ngaihtuah tūr ni lovin, Pathian ngaihtuah tūr zâwk a ni. Dinhmun awlsam deuhva ka awm laiin a khawngaihna min chelh a, dinhmun harsa bera ka awm lai pawhin a khawngaihna tho chu ka tán a tâwk a ni.

- Hudson Taylor-a

† Missionary emaw, thuhritu emaw ni tûrin ka inserh hrang lo. Sikulah a ni emaw, office-ah a ni emaw, chokaah a ni emaw, ka awmna apiangah, Pathianin ama finnaa min tirhna apianga a duh zâwng thawk tûrin a tán ka inserh hrang tawp mai a ni.

- Watchman Nee-a

RAMTHAR FEH**1.**

1. **Field hming** : Home Mission North
 2. **Khua** : Thaidawr Tlangveng
 3. **Tlawh hun** : Ni 21-24 March, 2019
 4. **Tlawhtu** : Chhiahtlang Sailam Veng Kohhran
 5. **Kal zât** : Mipa - 8; Hmeichhia- 3
 6. **Tlawh chhan** : Hnathawh
 7. **Hnathawh** : Lei laih
 8. **Senso zât** : ₹ 1,02,082/-

9. Lawmawm lam: Ni 21 (Ningani) zing dár 6:00-ah Ramthar Chairman, Upa Hranglianawng tawngtâina a hman hnuin sumo leh pick up-in kan chhuak a. Tluang takin zân dár 6:15-ah Thaidawr kan thleng a. Pastor B. Lalhmingmawia quarters-ah lût khâwmin thingpui kan in ho va. Thawktuten zanriah tuihnai tak min lo siamsak a, kan lâwm hle. A tûkah Thaidawr Tlangveng Biak In kawmchhak leimin thian faiin Pastor hovin, thawktute leh kohhranhote nèn kan thawk chhuak a. Zirtawpniah tlai dár 3:30 thleng kan thawh chhonzawm bawk. Inrinniah Biak In *skirting plaster* tûra kan ruahman chu zâna ruah a sûr avàngin *balu* a lâk theih loh va. Chuvàngin, inthen darhin thawktu quarters chei tha leh Biak In lama kan hna chhonzawmin hun kan hmang ta a ni. Kohhran Committee-in Inrinni zân, Pathianni chhún leh Pathianni zân inkhâwmah thu sawina hun min pe a, kan lâwm hle.

10. Report tûl dangte : Ramthar Committee hian kum 2015 aţang khân Ramthar Field-a feh chhuak tûrin kan intuak ţan a. Kum 2018 kum tâwpa kal tûra kan inruahman chu kalkawng lamah harsatna a awm avàngin tûn ţumah hian kan kal ta a ni. Kan hnathawh chhúngin Pathian hruainain dam láng takin hun kan hmang thei a ni. Thawhtanni zing dár 6:15-ah Pu C. Vanlalhruaia, Headmaster, PMS, Thaidawr a tawngtâi a. Kohhran Committee leh thawktuten min thlah a. Tluang takin zân dár 6:30-ah Chhiahtlang kan thleng a. Kohhranhoten min lo hmuakin, Kohhran Chairman Upa Lalzarlianawng lâwmthu sawiin a tawngtâi a ni.

R.C. Lalhruaitluanga, Ramthar Ziaktu

2.

1. Field hming : Barak Area
2. Khua : Karaikandi
3. Tlawh hun : Ni 3-6 April, 2019
4. Tlawhtu : Khatla Kohhran.
5. Kal zât : Mipa- 24; Hmeichhia- 11
6. Tlawh chhan : Hnathawh
7. Hnathawh : Biak In compound hungna ban phun
8. Senso zât : ₹ 98,785/-

9. **Lawmawm lam** : Ni 3 (Nilaini) zing dâr 7:00-ah Ramthar Chairman, kan Team Leader, Upa Zoliana Royte a tawngtai zawhin Biak In tual atangin kan chhuak a. Kan Upate min hovin, kan Kohhran Upa paruk ngawtin tûn tum kan work camp hi min ho va, kan phûr tlâng hle. Tlai dâr thumah tuang takin Silchar kan thleng. Karaikandi-ah hian riahna a remchan loh avàngin Silchar mission Compound-ah inngatin, a tûk zing atangin Karaikandi, Silchat atanga Km 16-a hlaah langing hna kan va thawk thìn a ni. Pal ban (cement concrete) khúr an lo laih saah ni hnih chhúngin ban 64 kan phun a ni. Tuang taka hna kan thawh theih avàngin kan lâwm hle a ni. Ni 6-ah Silchar chhuahtsanin tuang takin Pathian hruainain Aizawl kan thleng leh a ni.

10. **Report tûl dang** : Karaikandi-ah hian hmun zau angreng tak, hun kal taah khán kohhranin a lei a. Thawktu quarters nêna inzawmin inkhâwm theihna tûr sak a lo ni tawh a. Tûnah hian Biak In sa tûrin Khatla Kohhran chu a inbuatsaih mék a ni. Lei vûnga dîl/tuikhuah chhun khah hna te pawh thawh zawh tawh niin, pawisa pawh eng emaw zah chu pêk a ni tawh. Khu lama kan kohhran hruaituten a hmun hung fel hmasak tûl an tih avàngin a compound pum hung hna hi thawh hmasak a ni. Hna kan thawh chhúng hian ringthar leh ringlo mi, thenawm hnaite pawhin min rawn pui ve thìn nghe nghe a ni.

Lalrinawma, Ramthar Ziaktu

3.

1. Field hming : Arunachal West
2. Khua : Saddle
3. Tlawh hun : Ni 10 April –2 May, 2019
4. Tlawhtu : Armed Veng North Kohhran
5. Kal zât : Mipa – 4
6. Tlawh chhan : Hnathawh
7. Hnathawh : Pulpit, maicham & lectern siam
8. Senso zât : ₹ 70,000.00

9. **Làwmawm lam:** Pathian hruainain kan Work Camp chhúngin harsatna kan tâwk lêm lo va. Ni 18 chhúng Arunachal-ah hian hun kan hmang a, kan hnathawh chhúng hi ni 11 niin, pulpit (6x4 ft), maicham leh lectern te kan siam zo a ni. Kan hnathawhna hmun hi kan kohhran mi, missionary, Nl. K. Lalnunpuii thawhna a ni a. Saddle Kohhran hi In 40 vêl niin, Kohhranhoten min lo duatin min ngaihsak hle a ni. Field Secretary, Rev. R. Lalrinsangan kan thil siamte min rawn hmuhpuiin a mit a tlûng hle niin kan hria. Short Term Missionary tûra min rawn sàwm leh ngei a tum thu min hrilh a, a làwmawm kan ti hle a ni. Kan haw dáwnah Saddle Kohhran Committee-in chawhlui min kîlpui te kha kan làwmna tizualtu a ni.

10. **Report tûl dang:** Kan hnathawh lai hian Good Friday leh Bial Inkhâwmpui kan hmang ve a. Good Friday leh Easter Sunday-ah thuhrltuah te min hmang ve nghe nghe a ni. Napra Kohhrana Bial Inkhâwmpui chhim vein, Work Camp zaipawl kan va zai nghe nghe a ni.

Tv. Laltlanzova, Ramthar Ziaktu

4.

1. Field hming : Home Mission South
2. Khua : Lunghauka
3. Tlawh hun : Ni 22-23 April 2019
4. Tlawhtu : Lawngtlai Bazar Veng Kohhran
5. Kal zât : Mipa-18; Hmeichhia- 5
6. Tlawh chhan : Hnathawh
7. Hnathawh : Biak In Skirting ACC Block-a thlák

8. Senso zât : ₹ 50,000/-

9. **Lawmawm lam** : Lunghaukaah hian kan Kohhranin thawktu pakhat kan dah a. Ni 22 zing dár 8:00-ah Lawngtlai ațangin Lunghauka chu Pick Up pahnih leh Car pakhatin Kaladan Multi Modal kawngpui sial mékah kan kal a. Zing dár 10:30-ah Lunghauka kan lut a. Lunghauka Kohhrana thawktu missionary-te leh kohhran hruaituten thingpui nèn min lo hmuak a. Kan thlen ațangin hna kan thawk nghâl char char a. Zàn dár 7:00-ah kan hnathawk kan báng a, zanriah kan ei nghâl a, kan chauh deuh avàngin zàn lam chu kan chàwl a. Hun âwl hmang țangkaiin, kan thawktu rawih Lalruatmawiin pasal a neih lawmpuina Kohhran Committee-in min thawn ₹ 1000/- hlanna hun hlim takin kan hmang a. Ramthar Committee hmingin Dekchi (*steel set*) kan pe nghâl bawk. Ni 23 zing kár ațangin kan hnathawh kan chhonzawm leh a. Nilénga kan thawh hnuah Lunghauka Kohhran ten kan thawh tura ruahmanna an lo siam chu thawk zovin, zàn dár 7:30 vêlah Lunghauka chhuahsanin, Lawngtlai tuang takin kan thleng leh a ni.

10. **Report țul dang** : Work Camp kan neih chhúng hian, kan lo rin lâwk ang ngeiin khua a lum țha kher mai. Pathian hruaina duhawm tak changin, Work Camp-a kalte hmélah hrehawm tihmél hmuh tùr awm lova tuang taka kan hnathawh kan zo thei hi kan lâwmna a ni. Pathianin ropuina chang zêl rawh se.

M.C. Lalthazuala, Ramthar Ziaktu

5.

1. **Field hming** : Home Mission South
2. **Khua** : Sabualtlang
3. **Tlawh hun** : Ni 29-30 May, 2019
4. **Tlawhtu** : Lawngtlai Bazar Veng Kohhran
5. **Kal zât** : Mipa-14; Hmeichhia- 3
6. **Tlawh chhan** : Hnathawh
7. **Hnathawh** : Biak In Electric Wiring leh thawktu Qtrs thawm
8. **Senso zât** : ₹ 40,000/-

9. Lawmawm lam : Zíng dár 6:30-ah Bialtu Pastor, Rev. R. Lalfakawman ÷awngtaia min thlah hnuin, Kaladan Multi Modal kawngpui sial mékah kan tlân zar zar a. Kawng lakah kan chawfun te eiin, zíng dár 10:00 vélah Sabualtlang kan thleng a. Kohhran hruaitute leh thawktute bâkah sikul naupang ÷ahnem takin min lo hmuak a ni. Rei lo tê kan hahchawlh hnuin hna kan ÷an a. ÷henkhat Biak In lamah Electric Wiring tûrin an kal a, ÷henkhatin thawktu *quarters* siam ÷at ngai awm apiangte khawihin niléngin kan thawk a. Tlai lamah kan hna thawh tûra ruahman sa chu thawk zovin zanriah ei khamah Biak Ina an ÷awng rinna hmanrua (*sound system*) neih ang angte chu kan siam ÷hatsak bawk a. Hemi ni hian kan sikula zun In awm lo chu ngaimawhin, Mipa Zun In leh Hmeichhe Zun In kan saksak nghâl bawk a ni. Tichuan, Ni 30 zíng dár 6:00-ah Sabualtlang chhuahsanin tluang takin Lawngtlai kan lét leh ta a ni.

10. Report tûl dangte : Sabualtlang Work Camp nán hian Kohhrana mi inphal tak takten Bolero pahnih leh Pick-up pakhat an rawn thawh a, kan va lâwm êm! Sabualtlang Kohhran hi 2017-a ÷in chauh ni mah se, ni 10.3.2019 khán kohhran puitlingah hlan kai an ni tawh a. Member hi 318 an awm mék a ni. An Biak In hi Govt. Complex Kohhran, Aizawl ten an saksak niin, Presbyterian English School an ÷in bawk. School Building hi Ramhlun Kohhran ten an saksak bawk a, tûnah hian sikul naupang 68 an nei mék a ni. Tunah hian Sabualtlangah thawktu pahnih - hmeichhia ve ve an awm a, thawktu pakhat hi kan Kohhranin kan rawih mék a ni nghe nghe. Kohhran member 300 chuang leh sikul naupang 60 chuang enkawl hi hmeichhe pahnih tán chuan a hautak hle. Chuvàngin, mipa pakhat emaw tal dah belh theih ni se a duhawm hle mai.

MC. Lalthazuala, Ramthar Ziaktu

6.

- 1. Field hming** : Barak Area
- 2. Khua** : Baskaltilla
- 3. Tlawh hun** : Ni 14-20 June, 2019

- 4. Tlawhtu** : Buang Kohhran Pavalai Pawl
5. Kal zât : Mipa-14
6. Tlawh chhan : Hnathawh
7. Hnathawh : Thawktu quarters sak
8. Lawmawm lam : Ni 14 (Zirtawpni)-ah kan chhuak
 a. Khua ațanga kan chhuah dâwnin Kohhran Chairman-
 in țawngțaiin min thlah a, kan lâwm tak zet a ni. Aizawlah
 Pu Rodingliana te inah kan riak a, min dawnsawnaah
 kan lâwm hle. Ni 15 zingah Aizawl chhuahsanin, Pathian
 kaihhruainain tuang takin kan hnathawhna hmun tûr
 kan thleng a. Kan khaw mi ngei, missionary Pu L.C.
 Lalthantluanga te nupain min lo dawngsawng țha hle a,
 kan lâwm tak zet a ni.

9. Report țul dangte : Khaw lum tak kârah kan
 missionary te chenna tûr kan sa a. Khua a lum viau nâ
 a, kan phûr tlâng hle. Tichuan, ni 19-ah chuan inngai
 tak chungin kan in mangțha a lo țul ta a, phûr lo zetin
 kan invai liam ta.

Kaphmingthanga, Ramthar Ziaktu

RAMTHAR TÂNA THILPÊK PETUTE

(May & June 2019 chhúnga Ramthar Pisapuia dawnte)

- | | | |
|---|-----------------|------------------|
| 1. Electric Veng Kohhran Hmeichhia | 30 - May | ₹ 50,000 |
| Karbi Anglong - Langherang Biak In sak nán | | |
| 2. Ramhlun Kohhran | 4- June | ₹ 50,000 |
| HM 'S' - Hmawngbu School tual laih zawl nán | | |
| 3. Ramhlun Kohhran | 4- June | ₹ 100,000 |
| HM 'N' - Tuipuibari Biak In lei dawl nán | | |
| 4. Mualcheng Kohhran | 4- June | ₹ 10,000 |
| Arunachal West - JPM thlenna tur | | |
| 5. Upa R. Zatlúanga, Maulcheng | 4- June | ₹ 1,000 |
| Arunachal West - JPM thlenna tur | | |
| 6. Khatla Kohhran | 5- June | ₹ 100,000 |
| Arunachal West - Naharlagun Biak In sak nán | | |

September 2019

Ramthar

31

7. Bungzung Kohhran Ramthar Comt.	5- June	₹ 10,000
Field-a a t̄ul apianga hman turin		
8. Ramhlun Kohhran	6- June	₹ 30,000
HM 'S' - Phairuangkai Biak In sak tanpui nán		
9. Ramhlun Vengthlang KPP	7- June	₹ 30,000
Barak Area - Balikhal Biak In sak that nán		
10. Kulikawn Kohhran	10- June	₹ 60,000
Patna - Convention kalna leh hawna senso atán		
11. Laipuitlang Kohhran Ramthar Comt	10- June	₹ 30,000
Arunachal East - Singmao Biak In Comp. fencing siam nán		
12. Bawngkawn Chhim Veng Kohhran	11- June	₹ 300,000
Arunachal West - Naharlagun Biak In sak nán		
13. Khatla South Kohhran	11- June	₹ 100,000
Arunachal West - Naharlagun Biak In sak nán		
14. Republic Vengthlang Kohhran	13- June	₹ 50,000
HM 'N' - Katrolbari Biak In hmun lei nán		
15. Republic Vengthlang Kohhran	13- June	₹ 50,000
HM 'N' - Katrolbari Biak In sak nán		
16. Vaivakawn Vengthlang Kohhran	14- June	₹ 100,000
Barak Area - Diphucherra Biak In sak nán		
17. Zoram Evangelical Fellowship (ZEF)	18- June	₹ 14,000
Barak Area - Dormikhal Quarters mamawh lei nán		
18. Champhai Vengthlang Koh. Hmeichhia	20- June	₹ 40,000
HM 'S' - Tuithumhna School chhuat siam nán		
19. Dawrpui Kohhran	21- June	₹ 84,093
Calcutta - Serampore Bial-a direct evangelism atán		
20. KM High School 1981 Batch	24- June	₹ 50,000
Karbi Anglong - Umchera Kohhran Biak In sak nán		
21. Lengpui Pastor Bial Koh Hmeichhia	26- June	₹ 5,000
Assam - Trezpur Pastor Quarters mamawh lei nán		

TIHDIKNA

July, 2019 thla chhuaka 'MISSIONARY

• CHANCHINBU LĀKSAKTUTE' tiha No. 43-na

• 'Lalringliana' tih kha 'Lalêngliana' tih zâwk t̄ur ni e.

• Tihsual palhah thupha kan chawi e. - Editor

PU ZALIANCHHUNGA RALTE (1959-2019) KAN CHÁN TAI

Pu Zalianchhunga Ralte hi Pu R. Thangseia (L) leh pi Zaṭhuami (L) te fa pakaw zingá a upa ber dawttu niin, ni 8 April, 1959 khán Mualvumah a piang a. Kum 1992-ah Pi R. Lalhmangaihzuáli nèn Chanmari West Kohhran Biak Inah an innei a, fa pahnih – Rebecca Lalremsiami leh Reuben Lalfelkima te an nei a ni.

Kum 1978-ah Assam Regiment-ah a lût a, kum 2006-ah Subedar-in a pension. A pension hnuah Madanrting, Shillong-ah inbengbelin a awm zui a. Madanrting Kohhranah mawhphurhna pawimawh tak tak – Finance Committee member, Ramthar Committee member, Sunday School zirtirtu leh Masihi Sangati Chairman hna te a lo chelh tawh a ni.

Sipaia a ṭan chhúng zawng deuhthawh hian Sipai Kohhran Upaah a ṭang nghe nghe. Sipai aṭanga a pension hnu pawh hian hna ṭha tak thawk tùrin Delhi lamah sàwmna a dawng a. Rawngbàwl ṭul a tih tawh avàng leh, chhúngkua a ngaih pawimawh avàngin sàwmna chu a hnar ta zâwk a ni.

Kum 2014-ah Synod Mission Board hnuaiáh Masihi Sangati Evangelist hna thawk tùra lâk a ni a. Kum 2014-2017 chhúngin Mission Veng, Aizawlah a awm a, kum 2018 aṭanga a thih ni thlengin Bethlehem Venglai, Aizawlah awmin, Evangelist hna hi a thawk a ni.

Pu Zalianchhunga hi mi inpe tak, mi rilru tlang tak, ṭha nia a hriatah chuan nghet taka ding tlat mi, Krista tána mi hrât khawkhéng a ni. A rawngbâwlsakate tán a neih a ui lo va, Lal Isua an hmuh theihna tùr a nih dáwn phawt chuan chhùn leh zàn sawi lovin a feh chhuak mai ṭhìn. An ei tùr a leisak bâkah an mutbu thlengin a ngaihtuahsak ṭhìn. An inah (Bible/Kristian) *film* enpui tùrin hnam dangte a hruai lût fo va; hmun danga enpui a duh chángin anmahni Television (TV) chu a pu chhuak mai ṭhìn.

Assam Regiment-a a òan lai pawhin nghet takin a rinna a vawng tlat a. Lal Isua a zahpui ngai lo. Pathian pawhin a awmpuiin a thuam nasa hle a ni. Synod hnuaiia a thawh hma pawhin Meghalaya ram chhúngah leh state hrang hrangah rawngbáwlin a feh chhuak tam hle. Shillong leh Arunachal Pradesh-ah hian ramhuaiin a tihbuai te, ‘Setana biak’ tih te a lârin, chúng mite chhanchhuah hnaah òhahnem a ngaiin, a thawh hlâwk hle a ni. Hetiang taka rawngbâwlna a ngaih pawimawh avàng hian sipai bángte tána hna (Ex-Service quota) a hmuh hrang hrangte kalsanin Synod hnuaiia Masihi Sangati Evangelist hna chu a thlang ta zâwk a ni.

A rawngbâwlnaah hian a tuiin òhahnem a ngai thei êm êm òhin. Hnam dangte hnêna Chanchin Òha hril hi nuam a ti òhin hle. Bethlehem Venglai Biala a awm hnuah pawh hian Chite quarry leh SIPMIU-a hnam dang awmte chu Fellowship-hote nèn tlawhin Pathian thu an hrilh òhin. Masihi Sangati Evangelist hna a thawh chhúng hian ringthar eng emaw zâtin a rawngbâwlna aòanga Lal Isua ringin baptisma an chang.

February 2019 aòang khán a insawisel òan a. Aizawl leh Shillong kâr tawnin Doctor-te a ráwn a, a òul angin a inenkawl a. May thlaah Synod Hospital, Durtlanga a awm laiin Cancer a ni tih hriat chian a ni a. In lama inenkawl tùrin July 3, 2019-ah Damdawi In aòangin a lo chhuak a. Duh angin hma a sâwn chak thei lo va; tichuan, ni July 12, 2019 zing dár 8:20-ah Krista tána mi hrâtkhawkhéng, missionary òangkai tak chuan a làwmman hmu tùrin min lo kalsan ta a ni. Hemi ni vèk hian Bethlehem Venglai Kohhran Hall-ah Bethlehem Bialtu, Pastor Lalhmachhuanan a vui a, Kohhran mipui òhahnem takin ui tak chungin an thlah liam a ni.


Synod Mission Board chuan hetiang mi òhahnem ngai, mahni in leh lo pawh thlahlel phal lova hun puma Lalpa rawng báwl tùra inpe hi a ui tak zet a ni. Pathianin he thihna hi malsàwm rawh se.

DECLARATION

1. Title of Newspaper : Ramthar
2. Language in which it is published : Mizo
3. Periodicity of its Publication : Monthly
4. Printer's name : Rev. C. Zorammawia
- Nationality : Indian
5. Publisher's name : Rev. C. Zorammawia
- Whether citizen of India : Yes
- Address : Synod Office
6. Place of publication : Mission Veng, Aizawl
7. Editor's name : Rev. Thangzauva
- Address : Ramhlun South, Aizawl
8. Owner's name : Ramthar Association
- Where printing is conducted : Synod Press
and premises on which
the press is installed : Mission Veng, Aizawl
9. Name & address of individual who
owns the newspaper and partners
or shareholders holding more than
one cent of the total capital : Nil

I, Rev. C. Zorammawia, hereby declare that the particulars given above are true to the best of my knowledge and belief.

Dated, Aizawl
the 31ST Aug., 2019


(REV. C. ZORAMMAWIA)
Signature of publisher

KUM 35-NA

SEPTEMBER 2019

BU 410

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2019 - 2021

Editor	: Rev. Thangzauva	9612950043 (M)
Joint Editors	: Dr. Robert S. Halliday	9862374232 (M)
	Upa Zoramthanga	9436362385 (M)
	Pi C. Lalrampari	9436190803 (M)
News Editor	: Upa Lalbiakênga Fanai	9436366234 (M)
Cir. Manager	: Pu Lallawmnakima Hmar	8794905993 (M)
Publisher	: Rev. C. Zoramawia	8731071642 (M)

[Office hun chhúngin biak ni thei se]

Member-te

Rev. R. Lalhmingthanga	: Synod Moderator
Rev. R. Vanlalngbaka	: Synod Secretary (Sr.)
Rev. K. Lalrinmawia	: Executive Secy., i/c Mission
Upa Dr. Lalinundanga	: BEC Member
Upa K. Lalthakima	: BEC Member

Thu chhuah tûr nei chuan Email - ramtharchanchinbu@gmail.com-ah emaw lehlahm chauhvah ziakin Editor emaw Cir. Manager, Ramthar Chanchin bu, Synod Office, Aizawl, Mizoram (India) hnênah emaw thawn tûr a ni e.

Ramthar Chanchinbua thu chhuah hi a ziaktu mawhphurhna a ni.

SYNOD MISSION BOARD HOTUTE:

Rev. K. Lalrinmawia	Executive Secretary	9485140409
Rev. C. Zoramawia	Secretary	8731071642
Upa Lalbiakenga Fanai	Coordinator	9436366234

KUM KHAT LÂK MAN - ₹ 60/-

A CHHÛNGA THU AWMTE

1. Editor thukhawchâng	- 1
2. Keimahni	- 2
3. SMB hnuaia HLSC 2019 Result	- 3
4. Ramthar Hluttute Huang	- 4
5. Sermon	- 5-9
6. BUH HMUN AṬANGIN:	- 10-22
(1) Arunachal & Assam MF 'N' buh hmun	
(2) Odisha leh Jharkhand lamah	
(3) Duringa Biak In hawn	
7. Ramthar Feh	- 23-28
8. Ramthar tâna thilpêk petute	- 28-29
9. Pu Zalianchhunga Ralte kan then ta!	- 30-31
10. Declaration	- 32

Postal Regn. No MZR/46/2018-2020

RNI Regn. No. 40889/88

Krista Pasalṭha
Pu Zalianchhunga Ralte
(1959-2019)

Pu Zalianchhunga hi mi inpe tak, mi rilru tlang tak, ṭha nia a hriatah chuan nghet taka ding tlat mi, Krista tana mi hrāt khaw-khéng a ni. A rawng bàwl-sakate tán a neih a uì lo va, Lal Isua an hmuh theihna tùr a nih dawn phawt chuan chhùn leh zàn sawi lovin a feh chhuak mai ṭhìn.

An ei tùr a leisak bâkah an mutbu thlengin a ngaihtuhsak ṭhìn. An inah (Bible/Kristian) film enpui tùrin hnam dangte a hruai lût fo va; hmun danga enpui a duh chângin anmahni Television (TV) chu a pu chhuak mai ṭhìn.



To _____



Tripura Gospel Team te Chanchin ṭha hrilin

If not delivered please return to:
The Manager
Ramthar Chanchinbu
Synod Office, Aizawl, Mizoram,
India. PIN - 796001

Published by Rev. C. Zoramawia and Printed at the Synod Press, Aizawl on behalf of Ramthar Association, Aizawl, Mizoram. Copies- 35,400